

貫讀之則成「年鑼鼓」之聲音矣。

余同學琪光萬通二君，驟聽之，極似吃光飯桶。（請二君恕我，切勿動氣。）

名之最奇者，爲廣諧錄所載云：「某年直隸歲試，有童產名馬騫羸者，當點名時，書吏不能識，學師雖見之，亦不識，故掉頭若不見。書吏窘甚，然又不能不喝名也；乃高呼曰「馬一羣」，諸生無應之者。迨點名畢，餘一人，知爲馬生，問其名，給券入場。」

此外一般文人多喜用筆名。筆名之令人發噱者爲笑匠徐卓呆，徐住於上海閘北時，署名曰「閘北徐公。」後徙他處，改署曰「半老徐爺。」亦堪捧腹。

宿五峯草堂贈楊心如濬明昆仲

朱心佛

堂構碧山下，蒼翠翳戶牖。東南隅有宦，西北院有樓。院深曲徑通，獨秀齋猶後，迴廊欲九折，高樓清以幽。園林半晦無，疊石各有取，梅蘭香襲予，松竹歲寒友。君子逃囂塵，尋幽憫居久。招弟復要朋，炊黍莫沽酒。情親遺形迹，何判足與手。世事齊相忘，未覺時既酉。塵網雖云張，麟鳳誰得誘。嗟我主人心，何必言在口，我來豈不遲，且共泉石偶，明朝看湖山，更須同趨

走。

西湖竹枝詞四首

朱心佛

山中繁叢善鋪張，林蔭碑豐墓道長；黃金買得農田盡，塗殍何緣到北邙。
士女春衣拜墓前，盤中殺饌自肥鮮；豪門置酒招賓客，一樣清明來報先。
人人襟畔挂黃囊，跪向佛前薦炷香；奈識鄉風才一二，花插白首朱衣製。
望中少女曳華衣，短髮蓬鬆頭上飛；袒臂露腓冰似雪，施朱傅粉人誰非。

孫靜安先生遠惠桃李賦此報謝

王西神

平生夢想綏山桃，仙人無福共遊遨，又愛故鄉山水好，太湖萬頃森波濤，長平偏促困人海，
抗塵走俗勞薪勞，安得扁舟水雲窩，飽看風景餐瓊瑤，靜安孫子真解事，避世早學秦人逃，湖濱
關地作農圃，灌園抱甕誅重茅，琪花瑤草羅階砌，更多佳果紛娥媯，來禽青李甫採摘，分貽遠道
情意饒，登盤香味沁鼻觀，猩紅一捻美人嬌，瓊漿到口炎熇失，沉痾初起病爲消，恍如坐我草堂
側，置身直上青雲霄，山光水色橫几席，沈李不煩冰雪調，羨君高隱自怡悅，此樂真勝泉明陶，